

AWIG-AWIG DESA ADAT PENAGA



**KAMEDALANG OLIH
KRAMA DESA ADAT
PENAGA**



**KECAMATAN BANGLI
KABUPATEN DAERAH TINGKAT II BANGLI
WARSA 1994**

PIDAGING

MAKA BANTANG AWIG-AWIG DESA ADAT PENAGA

MURDA CITTA	WIDANG
SARGA I ARAN LAN WEWIDANGAN DESA	1
SARGA II PETITIS LAN PAMIKUKUH	1
SARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru	5
Palet 3 Indik Kukul	6
Palet 4 Indik Paruman.....	7
Palet 5 Indik Druwen Desa	9
Palet 6 Sukerta Pamitegep	10
Kaping 1 Karang lan Tegal	10
Kaping 2 Pepayonan	11
Kaping 3 Wewangunan	11
Kaping 4 Wewalungan	12
Kaping 5 Bhaya	12
Kaping 6 Penyanggran Desa	14
Kaping 7 Indik Pariwertu	14
SARGA IV SUKERTA TATA AGAMA	15
Palet 1 Indik Dewa Yadnya	15
Palet 2 Indik Rsi Yadnya	18
Palet 3 Indik Pitra Yadnya	19
Palet 4 Indik Manusa Yadnya	25
Palet 5 Indik Bhuta Yadnya	25
SARGA V	

SARGA	V	SUKERTA TATA PAWONGAN	27
		Palet 1 Indik Pawiwahan	27
		Palet 2 Indik Nyapian	30
		Palet 3 Indik Sentana	32
		Palet 4 Indik Warisan	33
SARGA	VI	WICARA LAN PAMIDANDA	36
		Palet 1 Indik Wicara	36
		Palet 2 Indik Pamidanda	36
		Palet 3 Indik Rerampagan	37
SARGA	VII	NGUWUH-NGUWUHIN AWIG-AWIG	38
SARGA	VIII	P A M U P U T	38

MURDHA - CITTA

Om Awignamastu nama sidham,

Putusing Paseban Krama Desa Adat Penaga gumawe
Awig - Awig Desa Pekraman msa sepat siku - siku pematut, wastu
kasidan Prayojanan Mami kabeh presama ngidepaken mush
amanggehaken kadi linging Awig - Awig iki.

Desa Adat wantah marups pasayuban Krama Desa rauning kula
warga pawongannya, manut dresta Desa kemanggehang Bhuana Agung,
pawongannya soang - soang pinaka Bhuana Alit, kalih malarapan
canta Jagathita, sinanggeh murdhaning prayojana pangriptaning
Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mawasta Desa Adat Penaga.
- (2) Jebar Kakuwub wewidangannya mewates nyatur :
 - a. Sisih Wetan Banjar Bluu Desa Adat Abang Batu Dinding Kintamani;
 - b. Sisih Kulon Desa Adat Landih ;
 - c. Sisih Lor Banjar Klatkat Desa Adat Abang Batu Dinding Kintamani ;
 - d. Sisih Kidul Desa Adat Metra Kecamatan Tembuku.
- (3) Desa puniki kawangun antuk karang miwah Tegal druwe soang -
soang Krama Desa saha tunggil dados abanjar.

SARGA II

PETITIS LAN PAMIKUKUH

Pawos 2

Desa Adat Penaga ngemanggehang Pamikukuh minakadi :

a. Pancasila

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luir patitis Desa Adat Penaga :

- a. Mikukuhang miwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukertan Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Penaga sane meagama Hindu tur nyungkemin Kahyangan Tiga sinanggeh Warga Desa Adat Penaga.
- (2) Sejaba punika sinanggeh tamiu.

Pawos 5

Krama Desa wenten 4 (petang) Pawos luwire :

- a. Krama ngarep, Kulawarga sane ngamong utawi madruwe tanah ;
- b. Krama Tapukan Kulawarga manut aksara a, sakewanten durung antes ngayah ;
- c. Krama Bala Angkep, Kulawarga sane tan madruwe tanah sakewanten sampun mawiwaha ;

d. Sekaa

- d. Sekaa Teruna Kulawarga sane ngawit mayusa 13 (telulas) warsa ngantos dereng mawiwaha ;

Pawos 6

Ngawit patut dados Krama Desa . :

- a. Sangkaning madruwe tanah ;
- b. mawiwit pawiwahan ;
- c. Sangkaning nyepih (numbas, ngidih , ngewaris lan sepenunggilannya) tanah druwe Krama Desa ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Penaga saha kacumponin olih Krama miwah Prajuru kangkat ngeranjing mekrama Desa.

Pawos 7

Panemayan tedun mekrama Desa :

- a. Nyabran Anggara Kasih Medangsia mejalaran antuk tatengeran sedereng arep ring Krama ;
- b. Ngantos 6 (enem) sasih mawiwit pawiwahan.

Pawos 8

(1) Sehanan Krama Desa keni tetegenan (ayah - ayahan) luwire :

- a. Ayah nyumek mapiteges urunan miwah ayahan mamungkul saking Krama ngarep ;
- b. Ayah Bala Angkep keni Ayah miwah urunan pamucuk wantah mangge ring Bale Desa Adat miwah Pura Dalem saha tiosan manut perarem ;
- c. Ayah tapukan keni urunan mamungkul sakewanten kaluputang saking ayah - ayah ;
- d. Sekaa Teruna utawi deha Teruna keni patedunan manut pinunas Krama Desa utawi manut dresta ;
- e. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajak laler kewastanin.

(2) Soang

- (2) Soang - soang Krama Desa sane ngerobang kulawarga sejeroning mayusa 7 (pitung) warsa ngantos 12 (roras) warsa patut ngamolihang kaweruhan saha keranjingan ring Sekolah 9 (siya) warsa antuk Krama sane ngerobang inucap ; prade mamurug wenang kedanda manut perarem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 9

Krama Desa kedadosang :

- a. Mapoangkid utawi tan tedun apisan, rikala meyadnya manut pangelokika, matepetin, mapewangunan (ritakala ngeraabin utawi nasarin) miwah keluasan masengker 3 (tigang) rahina, selangkungnyane patut wenten kebebasan Prajuru, lan tios - tiosan manut perarem ;
- b. Nyada ; nyerahang ayah antuk Krama Ngarep, kangkat yening sampun mayusa 70 (pitung dasa) warsa ; lan mademang ayah mawit Krama Bala Angkep kangkat mawit sampun mayusa 70 (pitung dasa) warsa , sejawaning wenten parindik tios manut perarem ;
- c. Luput petedunan kengin sangkaning dados sadaka, pemangku Desa, pemangku Kahyangan Tiga, sane cedangga banget tur tan madruwe roban sane patut nedunin anak alit ubuh ngantos munggah deha teruna, lan sane tiosan manut perarem ;
- d. Nekel utawi ngelaga ; nutug ayah antuk berana manut paestangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwire :

- a. Sangkaning :
 1. Pinunas ngeraga sangkaning kesah kedura Desa utawi ngelangkung segara ;
 2. Kenorayang dwaning sampun tan prasida ngesehin solah maprawerti state nguwig kecaping Awig - Awig ;
 3. Seda utawi ceput.
- b. Sang wusan mekrama Tan polih pah - pahan sankaning padruwen Desa.

c. Prade

- c. Prade sang wusan mekrama pecak, ayat mekrama malih, kangkat yening sampun kacumponin antuk krama saha patut nawur penaub mekrama manut perarem.

Palet 2

Indik Prajuru

Pawos 11

- (1) Desa Adat Penaga kaenter antuk Bandesa Adat.
- (2) Bandesa Adat patut :
- mawiwit sakeng Krama Desa ngarep ;
 - Keadegang melarapan antuk paruman, saha Prajuru soang - soang taler keadegang nyabran 5 (limang) warsa, sejawanning wenten parindik tiis kangkat kapilih malih ;
 - Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalannya saha tan kapialang antuk Uger - Uger Panegara ;
 - Meduluran Dewa Saksi ring Pura Bale Agung.

Pawos 12

- (1) Bandesa Adat kesanggra antuk :
- Pangliman utawi petajuh pinaka wakilnya ;
 - Penyarikan pinaka juru surat ;
 - Petengen pinaka pengamong druwen Desa ;
 - Kesinoman pinaka juru arah.
- (2) Kesinoman akeh nia manut kawigunan saha magilir nyabran ngeasih.
- (3) Sajeroning ngenterang niskala Bandesa Adat mingsinghihang Pemangku Kahyangan Desa.

Pawos 13

- (1) Swadharmaning Bandesa Adat Luwire :
- Ngenterang pengelaksanaan sedaging Awig - Awig miwah perarem Desa ;
 - Nuntun

- b. Nuntun tur ngenterang Krama rauhing Warga Desa ngupadi anut petitis ;
 - c. Mawosin kalih niwakang pamutus arep ring wicara warga Desa ;
 - d. Maka duta matemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kaiwangan soang - soang saha kangkat keraryanang manut perarem.

Pawos 14

- (1) Petias utawi Olih - olihan Prajuru Luwire :
- a. Folih tanding tengah ;
 - b. Luput rerampen ;
 - c. Petias sewosan manut perarem.

Pawos 15

- (1) Prajuru Desa kagentosin riantukan :
- a. Seda ;
 - b. Tutug pansmaya ;
 - c. Wit sakeng pikayun rahayu utawi pinunas ngeraga ;
 - d. Kanorayang dwaning iwang pemargi utawi nilar sesana.
- (2) Ngenorayang utawi ngentosin prajuru patut sejeroning paruman saha kaingkupiin antuk Krama Desa.

Falet 3

Indik Kulkul

Pawos 16

- (1) Kulkul ring Desa Luwire :
- a. Kulkul Desa ;
 - b. Kulkul Pengarep ;
 - c. Kulkul

c. Kukul sekaa - sekaa.

(2) Tabuh tatepakan Kukul Desa :

a. Tigang tuludan lambat, tengeran tedun ngayah utawi parum ;

b. Kalih tuludan $\sqrt{\text{bulus}}$ tengeran kapanca bhaya ;

c. Telung kelentungan ngantet ping siya Tengeran Pawiwahan ;

d. Limang kelentungan lambat tenggeran petedunan wangde.

e. Tengeran Kelayu Sekaran (pitus /beda)

1. Atuludan bulus , maweweh kalih kelentungan ping tiga Tengeran mitahuang ;

2. Atuludan lambat selarturnya nedunang Krama.

Pawos 17

(1) Kukul Desa tan wenang katepak yening tan sangkaning pituduh Prajuru, sejawaning tenggeran kapanca bhaya.

(2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.

(3) Suaran Kukul, tenggeran kapanca bhaya patut ketedunin artuk Krama Desa saha makta gegawan anut bhaya.

(4) Kukul sekaa - sekaa semaliha kukul pondokan - pondokan tan kalugra nyawerin (matehin) sukat utawi tenggeran kukul Desa prade mamurug wenang kedanda manut perarem.

Palet 4

Indik Paruman

Pawos 13

(1) Paruman/sangkepan ring Desa Adat Penaga wenten :

a. Paruman Desa Kawentenang :

1. Nyabran ngesasih tanpa arah - arah ngangken Budha Keliwon saha matenggeran kukul ;

2. Napkala

2. Napkala (Padgata kala) maka jalaran arah - arah saha matenggeran Kulkul manut tetujon ;
- b. Paruman Prajuru , kawentenang manut wiguna
 - c. Paruman Sekaa - sekaa manut pabuat.
- (2) Paruman Desa madudonan sekadi ring sor :
- a. Prasida lumaksana risampung katedunin antuk sang patut ngamiletin saha sampun terem , keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;
 - b. Maka sarana janggi, pengawit kelaksanayang penyacak sep-sep saha riwusannya nyacak, dadosan gung alit manut perarem ;
 - c. Tan kalugra ngewetuaken suara goro utawi byuta, yan hana mangkena, keni pamidanda pecamil kadi dandaning nguman - unan ring sabha ;
 - d. Pamutus bebawos beriak sepanggul (ingkup) punika kemanggehang, prade tan prasida suara makehan pinaka pamutus.
- (3) Prade pidaging paruman tan kaingkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang .

Pawos 19

- (1) Sajeroning paruman Desa , Bendesa Adat patut nyiarang pemargin ngenterang Desa, pamekas nganinin indik :
 - a. Munjuk lungsuring pekraman saha ayah - ayah sulur artha berana druwen Desa ;
 - b. Rencana Prajuru nganinin usaha Desa kapungkur.
- (2) Pamutus Paruman Desa sinanggeh perarem maka pamitegep pelaksanaan Awig - Awig.

Pawos 20

- (1) Sangkepan Prajuru kawenang wantah ngerincikang pengerencana usaha Desa kapungkur.

(2) Sangkepan

- (2) Sangkepan Prajuru tan kawenang ngewedalang tetegenan ring krama sadereng kaingkupin antuk krama Desa.
- (3) Pamutus sengkopen Prajuru ngewetuang pasuara, maka pidaging pituduh sang ngawewenang utawi ngonekang perarem krama Desa.

Palet 5

Indik Druwen Desa

Pawos 21

Padruwen Desa Adat Penaga , sekadi ring sor :

- a. Wewangunan suci mekadi parhyangan/penyiwian - penyiwian Desa Adat jangkep saha sarana upacara pabaktiannya ;
- b. Balai Pesamuan (Balai Banjar) ;
- c. Setra apelebahan ;
- d. Gong Barungan ;
- e. Lembaga Perkreditan Desa (LPD) ;
- f. Ilen - Ilen Sekadi : Rejang Pendet, Baris lan pesantian ;
- g. Tios - tiosan sane pacang manggeh druwen desa.

Pawos 22

Olih - olihat Desa Adat Penaga luwire :

- a. Urunan Krama Desa Adat ;
- b. Paica saking Guru Wisesa ;
- c. Paica - paica utawi usaha tiosan sane patut.

Pawos 23

(1) Prajuru Desa wenang ngetangang lan ngamong druwe Desa.

(2) Pikolih

- (2) Padruwen Krama patut kaanggen prabeya piodalan saha wewangunan ring pura miwah sane tiyosan.
- (3) Nyabran pesangkepan Desa, Prajuru pengemong druwe Desa ngawentenang parindik munjuk lungsuring padruwe ring Krama Desa.
- (4) Indik kawentenan Lembaga Perkreditan Desa (LPD) manut pidabdab perarem :
- (5) Sakaluwiring druwen Desa patut wenten ilikitananya.
- (6) Tan Kalugra ngadol, nyepih utawi ngebahang padruwenyan desa yan tan kasungkemin antuk krama desa.

Palet 6

Sukerta Pamitegep

Kaping 1

Karang lan Tegal

Pawos 24

- (1) Krama Desa pangemong Karang patut ngawatesin karang inucap antuk pagedan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang inucap sane mewasta magaleng keluwan. sejawaning, tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kerasayang pagedan/turus inucap ngelikadin, yan pada arsa penyandinge nganggen pinget kewanen kesakci antuk Prajuru Desa utawi pracihna pal saking sang mawang wat.
- (4) Prade wenten karang kebebeng mangda keutsahayang wenten pemarginya.

Pawos 25

- (1) Sinalih tunggil Krama Desa tan kalugra :
 - a. ngalah - alah margi, tegal, karang lan sepenunggalannya;
 - b. ngalah - alah tanah, tegak kayangan, setra, lan sekancan tegak sinenggeh suci .

(2) Prade

- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 26

- (1) Ngawit nandur pepayonan tanem tuwuh patut adepa agung ngajeroang sakeng bates, prade jantos ngeliwat bates wenang kesepat gantungin.
- (2) Yening wenten tetanduran ngungkulin, semaliha mewastu mayanin kepicaga patut kewara antuk paigumen ping ajeng praside sang neruwenang wit ngerebah utawi notor.
- (3) Prade sampun kewara taler tan wenten usaha sang neruwenang, wit sang rumasa katetehan utawi kajerihan wenang mesadok ring Prajuru, tur risampun keparitatas kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara saha prabea manut perarem arep ring wewangunan sang kerubuhan, luwire :
- a. Sang neruwenang sang sinanggeh mayanin prade pungkut ngerubuhin wewangunan krama tios ;
 - b. Sang notor munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari, saha tan kangkat ngebah taru, sadereng wenten pituduh sakeng Prajuru utawi pituduh sakeng Guru Wisesa.

Kaping 3

W e w a n g u n a n

Pawos 27

- (1) Nyabran ngewangun patut :
- a. Mesadok ring Prajuru, ping ajeng prade wewangunan nganinin bates ;
 - b. Ngangge

- b. Ngangge asta bhumi miwah gegulak asta kosala - kosali sanistane manut ring petitis niskala ;
- c. Tan nyayubin kapisaga.
- (2) Prade wewangunan jantos nyayubin bilih - bilih temboke ring telengin wates, risampun kewara tur keadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Pawos 28

- (1) Sahanan warga desa sane mamiara wewalungan (bawi risampun mabelas utawi banteng lan sewosan punika sampun mesaluk tali) , patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngeranjing ngeletehin Kahyangan.
- (2) Prade wenten wewalungan ngelambar utawi ngeleb ngerusakin karang / paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiarsan tetabanan, manut pengelokika Prajuru Desa ;
- (3) Prade jantos ngeletehin tegak suci, minakadi pemerajan (sanggah kemulan) risampun keparitatas antuk prajuru , wenang sang nruwenang kedanda mabuhu agung tebasan - tebasan prayascita durmanggala utawi panca sata iwak bebek belang kalung prade jantos ngeletehin Kahyangan Desa utawi pura pemaksan.
- (4) Krama desa patut nyanggra wewalungan miwah sarwa prani, Tur tan kepatut morosin sane prasida ngicalang kewerdian inucap sedereng polih cihna wak - wakan sakeng prajuru Desa Adat utawi pituduh eskeng Guru Wiseesa.

K a p i n g 5

B h a y a

Pawos 29

- (1) Pari indik bhaya, luwire : Jiwa bhaya, Artha Bhaya, dura cara ring Agama lan sane tiyosan .

(2) Sang

- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.
- (4) Prade wenten jatma memisuh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulkul mapitulung manut ring pawos 16 (2) aksara b, utawi sang kemalingan atur supeksa ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengargan wit manut cacakan Desa, tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi kayu, saang, daun kelapa, ron, lan sepenunggalannya tanpa sadok ring sang nruwenang, prade kacunduk (ketara) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewastu sang madruwe karang keicalan, wenang jatma inucap ketuwekang antuk madewa saksi ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :
 - a. Matenggeran suara (mekaukan) ;
 - b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
 - c. Pemedal karangnya kedagingin sawen maka cihna pengarah rikala suwung.

Kaping 6

Kaping 6

Peyanggran Desa

Pawos 31

Krama Desa rikala ngawentenang karya suka duks, patut kesanggra antuk Krama Desa.

- a. Prade ngewangun Pitra Yadnya utawi Manusa Yadnya wenang nunas Penyanggran Desa ;
- b. Upacara Pitra yadnya kangkat kemargiang risampun polih wak - wakan sakeng Prajuru Desa ;
- c. Pangerombe utawi karya Gotong royong Krama ngantos sepuputa, prade sejeroning krama mekarya lintang ring waneng gotong royong manut panglokika prajuru, patut sang madruwe karya ngaturang pengu sawentena.
- c. Pengu rikala Pitra Yadnya anut abot dangan Yadnya prade sakeng semeng ngantos wengi katuran pengu ping kalih.

Kaping 7

Indik Pariwerti

Pawos 32

- (1) Sehanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane praside ngicalang pasukertan Desa Pakraman.
- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane asri.
- (3) Telajakan karang sane majeng Margi Agung, Merajan , Karang Sikut Satak patut kapiara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kapatutang madruwe genah mebacin utawi WC.
- (6) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV

SARGA IV

SUKERTA TATA AGAMA

Palet 1

Indik Dewa Yadnya

Pawos 33

- (1) Pelinggih penyiwian sewidangan Desa Adat Penaga, luwire ; Kahyangan Tiga : Pura Desa/Bale Agung, Pura Puseh, miwah Pura Dalem, Pura Prajapati, Pura Dukuh lan Pura Ulun Suwi.
- (2) Rahina piodalan soang - soang Kahyangan kadi ring ser :
 - a. Pura Desa /Bale Agung rikala Budha Keliwon Paang ;
 - b. Pura Puseh rikala Budha Keliwon Paang ;
 - c. Pura Dalem lan Pura Prajapati Anggara Keliwon Medangsia ;
 - d. Pura Dukuh rikala Budha Keliwon Ugu ;
 - e. Pura Ulun Suwi rikala Purnama Kapat ;
- (3) Pengaci ring pura - pura inucap manut kecap Sastra Agama saha kangkat kelaksanayang, nista madya, utama.
- (4) Rikala ngelaksanayang piodalan utawi karya sadereng ngemargiang pamuspaan patut kariyinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Pengarep sejaba ngempon Pura Dalem lan Pura Prajapati taler kesarengin antuk Krama Bala Angkep.

Pawos 34

- (1) Ring Parhyangan Desa Adat Penaga patut ngadegang Pemangku Kahyangan Desa lan pemangku Prajapati.
- (2) Ngadegang Pemangku inucap angka (1) manut dudonan :
 - a. Nyanjan utawi masemurang, soang - soang mapiteges mapinunas ring ajeng Parhyangan Desa menawi ring balian sonteng, lan sepenunggilannya ;
 - b. Turunan utawi ngewaris ;
 - c. Kecatri

- c. Kecatri (pilihan Krama Desa) ;
 - d. Mawiwit sakeng Krama Desa Adat Penaga .
- (3) Tan kawenang keadegang dados pemangku , luwire :
- a. Cedangga, luire : pecang , perot. cungh lan sepenunggilannya ;
 - b. Sang sapa sira ugi sane tan kepatutang anut perarem ;
 - c. Sakit ila, ayen, buduh wiadin edan ;
 - d. Sane mederbe kesucian urip tan becik.
- (4) Prabya kepemangkuan :
- a. Adiksa Widhi (ngawintenin) kemenggala saha kelaksanayang antuk sang ngadegang, mekadi Krama Desa ;
 - b. Mapitra Yadnya riwekas, patut kelaksanayang antuk Krama Desa.
- (5) Pemangku patut ngemanggehang sesananing pemangku, luire tan wenang ajejuden miwah sane tiosan.

Pawos 35

Swadharman Pemangku luwire :

- a. Ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
- b. Tan Wenang salab sulub yan mamurung wenang mangku inucap nyepuhin raga ;
- c. Prade Pemangku kapiambeng kengin nyelang Pemangku Kahyang Tiga siosan utawi nuur sang Sulingggih ;
- d. Semaliha yen sampun pemangku ngayah tigang rahina ring pura kancit wenten kulawargania padem, pemangku inucap tan keneng cuntaka, sakewanten pemangku tan budal selami piodalan.

Pawos 36

Petias utawi olih - olihan pemangku, luwire :

- a. Sarin

- a. Sarin Canang mawiwit sakeng aturan upacara apah tiga ;
- b. Luput Ayah ;
- c. Luput Rerampen ;
- d. Busana arangsukan nyabran ngemasa apisan ;
- e. Tios - tiosan manut perarem.

Pawos 37

- (1) Pemangku kegentosin riantukan :
 - a. Seda ;
 - b. Pinunas ngeraga, menawi kageringan lan sepenunggalannya ;
 - c. Kawusanang antuk krama sangkaning melaksana sane tan patut (Asta Dusta).
- (2) Prade mangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Kahyangan kadi ring sor :

- a. Tan Kalugra ngeranjing ke Pura luwire :
 1. Sang katiben cuntaka, mekadi sebel sakeng ngeraga :
 - a. Sebel kandel ngerajasuwala, selami dereng mebersih ;
 - b. Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan ;
 - c. Sebel pengantenan, selami dereng mabiyakala, miwah cuntaka sangkaning kepademan manut sengker ;
 - d. Sebel riantukan madruwe kulawarga kepademan / kelayusekaran selami dereng ngelaksanayang Upakara Mesapuh utawi Nyeeb Brahma.
 2. Makta sehanan barang sinanggeh ngeletehin ;

3. Sato

3. Sato Agung sejawaning rikala mapepada ;
 4. Mabusana tan manut kadi tata caraning ngeranjing ke Pura ;
 5. Sedereng polih wak - wakan (pituduh) Prajuru, utawi Pemangku Desa.
- b. Pratingkahe tan wenang ring Pura :
1. Masumpah (cor), sejawaning pituduh Prajuru ;
 2. Makobetan, masesenengan, makolem dados asiki lanang wadon, mebacin, mewarih, nyangsang busana, mececepin anak alit, menahin pusungan (santukan punika sekadi rikala mejejahitan patut ngelung busung mecingor lidinya) ;
 3. Munggah tedun palinggih sejawaning pituduh Prajuru, utawi Pemangku Desa.
- c. Sang mamurug kecaping ajeng, keni pamidanda pemerayascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa kesumbangsan, yan tan wiakti, jatma inucap kesisipan kedanda prayascita.
- (2) Prade Kahyangan kehanan durmanggala, minakadi kepanca bhaya, pemangku Kahyangan patut digelis nyadokang ring prajuru mangda marumang krama desa tur ngawentenang pemerayascita sepatutnya.

Falet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi dalang saluwire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangi prade wenten kacihnian sasar kekecap miwah drestane, tur sareng nyaksinia upakara saha nyiarang ring paruman desa tegap rawuhing wates kawenangan ngenterang yadnya.

(3) Krama

- (3) Krama desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Penaga sesampune puput wawu kangkat muputang Yadnya kejebar tios jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

a. Pengupakaran sang kelayu sekar :

1. Antuk mendem utawi ngeseng maka cihna pakingsan ring Ibu Pertiwi utawi ring geni selami nuptupang prabeaya ;
2. Atiwa - tiwa (upakara pengabenan/pelebon).

b. Upakara upacara Pitra Yadnya riwusan keabenang mewaestu munggah daun bingin (ngeroras) wawu kekaryanang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

(1) Sang kaduhkitan patut :

1. Nyadokang ring Prajuru Adat tur nunas tatimbangan ring kawentenannya ;
2. Ngaturin Desa ngerombo mekarya eteh - eteh sawa kedulurin panyembrama canang sesida antuk ring pengerombo nganter ke setra ;

3. Prajuru

3. Prajuru Adat maritatas pemargin sang kaduhkitan, napike pacang kependem, makingsan riyin utawi lantur keabenang ;
 4. Indik salah Pati lan Ngulah Pati
 - a. Melarapan antuk putusan pesamuan Agung Para Sulinggih lan Walaka ring Campuan Ubud, 21 Oktober 1961 sane Kelayu sekaran kadi salah Pati lan Ngulah Pati patut kebawos mati bener (seda biasa), saha kangkat kaupakara kadi ngapakara sawa seda biasa sane sampun ketah mewargi, saha kadulurin antuk Upakara penebusan lan pangulapan manut Sastra Agama Hindu ;
 - b. Sang sane Seda utawi putus inucap aksara a, utawi seda ring dura Desa, utawi Rumah Sakit lan genah - genah sane siosan, sedereng kaupakara, kangkat keajak budal kepakubonnya, saha selanturanyane patut kaupakara manut Sastra Agama.
 5. Penyanggran Desa selanturnya :
 - a. Soang - soang Krama (pengarep lan bala angkep) nedunin patus manut perarem ;
 - b. Ngerombo ngaryanin eteh - eteh sawa, saha kesarengin antuk Krama sane rawuh, maaksian ;
 - c. Sami Krama Desa nganter kesetra jantos pemendeman puput.
- (2) Tan kengin ngelelet sawa langkung ring 7 (pitung) rahina, tur patut polih pagebagan yening sampun mesiram anut paetangan Prajuru Adat ;
- (3) Tan kalugra mendem sawa rikala :
1. Wuku was penganten ;
 2. Semut sedulur ;
 3. Kala gotongan ;
 4. Larung pegelangan : Wraspati penanggal/pangelong ping 6 (enem) ;
 5. Gagak anungsung pati, penanggal ping 9 (siya) ;
 6. Ingkel wong ;
 7. Rerahinan jagat :
 - a. Purnama ;

b. Tilem

- b. Tilem ;
 - c. Purwani ;
 - d. Kajeng Kliwon ;
 - e. Pasah ;
 - f. Buda Kliwon ;
 - g. Tumpek ;
 - h. Buda Wage (Budha Cemeng) ;
 - i. Anggar Easih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Ehatara Guru) ;
 - l. Wuku Walangati, penanggal ping 11 (solas) ;
 - 8. Wuku langkir ngantos Budha Kliwon Paang, (buncal balung) ;
 - 9. Sasih ke 10 (dasa) tanggal ping 13 (telulas) ;
 - 10. Dewasa kekeran manut desa adat.
- (4) Prade wenten kalayu sekar, rikala piodalan, kengin kasurupang tan maupakara tanpa sadok tur memargi wengi ;
 - (5) Tan kalugra nginepang bangbang ;
 - (6) Prade sane kelayu sekaran ngadut manik, patut manik inucap kawijilang riyin wawu kaupakara ;
 - (7) Tata cara ngange setra manut paetangan prajuru miwah dresta ;
 - (8) Prade pacang mendem sawa ring setra Desa Adat sane saderengnyanne tan ngeranjing dados warga Desa Adat (kerob) utawi mawit sakeng Warga Desa tiyos, patut nawur penanjung batu kewastanin, akehnyanne 250 (satak seket) keteng jinah bolong saha kangkat katuku antuk jinah sane sah manut perarem.

Pawos 44

- (1) Sane kasinanggeh kacuntaka sekadi ring sor :
 - a. Cuntaka antuk kelayu sekar ;

b. Cuntaka

- b. Cuntaka antuk ngeraja swala ;
- c. Cuntaka antuk ngembasang putra ;
- d. Cuntaka antuk keruron ;
- e. Cuntaka antuk sakit lia/ bédéh ;
- f. Cuntaka antuk pawiwahan ;
- g. Cuntaka antuk gamia gamane ;
- h. Cuntaka antuk salah timpal ;
- i. Cuntaka yening wenten anak istri sobot nenten kaupakara pabiakawonan tur pawidiwidana ;
- j. Cuntaka antuk memitra ngalang ;
- k. Cuntaka antuk yening wenten anak istri ngembasang putra sadurung maupakara pabiakawonan tur pawidiwidana.

(2) Sengker Cuntaka manut kawentenannya :

- a. Cuntaka kelayu sekar, cuntakannia 12 (roas) rahina manut sekadi loka dresta miwah sastra dresta Desa Adat Penaga utawi nyantos Nyeeb Brahma ;
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
- c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sane istri ;
- d. Cuntaka keruron, cuntaka nia abulan pitung rahina (42 Rahina) tur sampun matirta pemerascita, lanang 3 (tigang) rahina ;
- e. Cuntaka pawiwahan, cuntakania ngantos sesampune matirta pabiakawonan ;
- f. Cuntaka gamia gamana, cuntakania ngantos sesampune kepalasang utawi mesapihan tur sampun kawentenang pemersyascita raga tur kawentenang pemerascita desa adat/Kehyangan ;
- g. Cuntaka salah timpal, kapuputang sekadi manut ring Agama Hindu tur dresta ring Desa Adat Penaga ;

h. Cuntaka

- h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan ;
- i. Cuntaka mamitra ngalang, cuntakania ngantos kawentenang upakara pabiakawonan ;
- j. Ngembas putra nenten kewentenang upakara pabiakawonan miwah upakara pawidhiwidana, cuntakania ngantos wenten sane memeras sang putra, tur sampun kewentenan upakara sekadi manut ring ajaran Agama Hindu ;
- k. Prade sinalih tunggii warga Desa wenten ngembasang Putra kembar utawi buncing tan patut kebawos ngeletehin Desa dwaning sapunika cuntakania patch sekadi ngembasang putra biasa.

(3) Cuntaka Kelayu sekar/kepadaman :

- a. Kapendem cuntakania :
 1. Fengapit, pemapas/penumbak pekarangan, Desa ngantos 3 (tigang) rahina saha sampun mesapuh ;
 2. Kulawarga ngarep 12 (roras) rahina saha sampun mesapuh.
- b. Keaben cuntakania :

Sang nyambut karya Pitra yadnya cuntakania ngawit sakeng nundunin rauh riwas yadnyannia (mepegat) saha sampun mesapuh.

(4) Sane ketiben cuntaka luwire :

- a. Kelayu sekaran sane kacuntaka :
 1. Sang sane kelayu sekaran ;
 2. Kulawargannia .
 3. Desa manut dresta 3 (tigang) rahina .
- b. Ngeraja swala sane kacuntaka sang sane ngeraja swala ;
- c. Ngembas putra, sane kacuntaka kulawargannia sane ngembasang putra lanang wiadin istri ;
- d. Pawiwahan, sane kacuntaka sang sane keupakara pawiwahan lanang wiadin istri ;
- e. Keruron, sane kacuntaka kulawargannia lanang wiadin istri ;
- f. Gamia

- f. Gamia gamana, sane kacuntaka sang sane ngelaksanayang gamia gamana lan desa adet nyane ;
- g. Anak istri mobot sane tan kawentenang upakara pabiakaonan, sane kacuntaka sane meraga istri (sane mobot) ;
- h. Memitra ngalang, kacuntaka sane ngelaksanayang memitra ngalang ;
- i. ngembas putra tan kawentenang upakara pabiakaonan miwah upakara pawidhiwidana sane kacuntaka :
 - 1. Sang sane ngembas putra ;
 - 2. Putra sane embas ;

Pawos 45

- (1) Atiwa - tiwa (pengabenan) kelaksanayang manut dresta.
- (2) Panemayan Pengabenan wenten kalih Pawos :
 - a. Ngaben Dadakan/bahbangun, kedadosang sejeroning mesengker awaku utawi 7 (pitung) rahina ;
 - b. Ngaben ngemasa utawi nuasa .

Pawos 46

- (1) Peputusan pengabenan sakeng Krama manut perarem.
- (2) Sang madruwe Kelayu sekaran polih pangerombe sakeng Krama senistane ngawit tigang rahina sadereng karya, saha indik patedunan krama lanang wiadin istri manut kawentenan karya tur manut sekadi pinunas sang meyadnya.

Pawos 47

- (1) Sajeroning Krama Warga Desa nyanggra Pitra Yadnya, Prade Krama sane nyambut karya matempungang sawa sane mawit sakeng Desa Adat tiyosan utawi pecak tan ngeranjing dados Warga Desa Adat (kerob), patut nawur penaub karya soang - soang sawa manut perarem.

(2) Prade

- (2) Prade sinalih tunggil Krama Desa pacang matempungang sawa ketiyos Desa Adat sajeroning ngewangun Pitra Yadnya, krama Desa patut ngerombe ritatkala nanglang sawa kemawon ngantos puput ring Setra saha sang madruwe karya wantah patut ngaturang panyembrama sawentena.
- (3) Tios - tiosan pemargin Atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

Pawos 48

- (1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngentos kelayu sekar riweksas.
- (2) Upacara kadi ring ajeng madudonan kadi ring sor :
- a. Magedong - gedongan duk pengerampinian ibiang ;
 - b. Duk sang kama reka medal ;
 - c. Kepus odel lan roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /oton/odalan (enem sasih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Metatah (mepandes) ;
 - i. Mawiwaha ;
 - j. Mewinten.
- (3) Upacara - upacara inucap nista, madya , utama manut sastra Agama saha catur dresta maka buatan desa dresta ngawinang sima cara desa.

Palet 5

Palet 5

Indik Butha Yadnya

Pawos 40

- (1) Butha Yadnya inggih punika upacara biakala ring pertiwi lan kayangan, sarwa perani saha upacara - upacara ring bebutan.
- (2) Upacara biakala ring sarwa perani, luire :
 - a. Ring sarwa tumuwuh ritatkala tumpek Pengarah (Saniscara Keliwon Wariga) ;
 - b. Ring sarwa ingon - ingon rikala Tumpek Uye (Saniscara Kliwon Uye) ;
 - c. Upacara pakala - kala manusa anut wiguna, kebawos pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madia, utama, manut wiguna kadi ring sor :
 - a. Eka Sata ;
 - b. Panca Sata ;
 - c. Panca Sanak ;
 - d. Resi Gana ;
 - e. Taur Agung ;
 - f. Panca Kelud.
- (5) Sejawaning kadi ring ajeng kawentenang upakara :
 - a. Majot - jotan utawi Yadnya Sesa nyabran wusan ngerateng ;
 - b. Mesapuh - sapuh rikala pacang wali ring Pura ;

Pawos 50

- (1) Ngangken ngewaresa rikalaning Tilem Kesanga kawentenang tawur kesanga, ketah kebawos ngerupuk maka cihna pacang mapag rainan penyepian benjangne.

(2) Upacara

- (2) Upacara Penyepian sane pacang kemargiang antuk krama desa :
 - a. Amati geni , tan kengin maapi - api ;
 - b. Amati karya tan kengin nyambut karya ;
 - c. Amati lelanguan , tan kengin masoneng - onengan, masuara goro lan sepenunggalannya ;
 - d. Amati lelungaan , tan kengin malunga - lungaan .
- (3) Paberatan inucap kamargiang sakeng semeng ngantos benjangne semeng raris kacuarayang kulkul pinaka cihna pengemoak .
- (4) Riwas rahina Nyepi benjangne maka cihna pengawit Icaka Warsa patut soang - soang warga Desa sami ngaksama.
- (5) Sejawaning pemargi penyepian nyanggra pengawit Icaka Warsa, taler kemargiang penyepian Desa sane kelaksanayang arahina sesampun ngemargiang bhakti panyeeb.
- (6) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa).

SARGA V

SUKERTA TATA PAWONGAN

Palet 1

Indik Pawiwahan

Pawos 51

- (1) Pawiwahan inggih punika petemoning purusa predana melarapan panunggalan kayun suka cita maduluran upasaksi sekala niskala.
- (2) Penglaksanaan pawiwahan luwire :
 - a. Pepadikan kemanggala antuk pakrunan ;
 - b. Ngerorod . merangkat riyin wawu kakrunayang ;
 - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patut :

a. Sampun

- a. Sampun manggeh deha teruna (prasida nganutin Undang - Undang Perkawinan) ;
 - b. Sangkaning pada rena (tan kepaksa) ;
 - c. Manut kecaping Agama (tan Gamia gamana) ;
 - d. Kawisudayang (Sudi Wadani) prade pengambil tios Agama miwah kepati wangi.
- (4) Pemargin Pawiwahan mengda taler nganutin Undang - Undang Perkawinan saking sang ngawewenang.

Pawos 52

- (1) Pawiwahan sane kepatutang ring Desa sekadi ring sor :
- a. Sampun kemargiang pabyakala utawi pesakapan, kesaksiang sekala niskala antuk Prajuru lan Dulun Desa ;
 - b. Wenten pesaksi Prajuru sane mapekelingang utawi ngilikitayang pawiwahan ;
 - c. Pinaka pitegep upacara pawiwahan patut ngemarginin upakara peklaci ring Pura Puseh sajeroning asasih ngawit ngelaksanayang pawiwahan, indik sarana upakara klaci manut perarem . dwaning sampunika sang mawiwaha sadereng ngaturang Yednya peklaci tan kedadosang ngeranjing keparhyangan Desa.
 - d. Prade sinalih tunggil Warga Desa Adat mawiwaha ke tiyos Desa, patut sang sane ngambil nawur prabeysa pangelus kerob manut perarem, saha prabeysa inucap kepah antuk Prajuru manut panglokika ring Krama sane ngerobang sang mawiwaha sajeroning pacang kaanggen ngelaksanayang upacara peklaci inucap aksara c.
 - e. Sampun matengeran suaran kulkul maka cihna sampun sah meperabian ;
 - f. Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.

- (2) Perabian sane tan manut kadi ring ajeng sinanggeh tan patut

Pawos 53

Tata caraning perabian patut sekadi ring sor :

a. Sapa

- a. Sapa sira ugi pecang ngewarangang pakuluwarga patut mesadok ring Prajuru, selanturnya prajuru maritatas anut tan manut kekecap perabiane;
- b. Pemargin pepadikan anut dudonan :
1. Pakrunan jantos ping tiga, saha soang-soang melarapan antuk :
 - a. Kapertama antuk canang Taksu ;
 - b. Kaping kalih antuk canang ajuman ;
 - c. Kaping tige antuk Canang, pejati, tuak arak lan tipat bantal pinaka pamuput pepadikan.
 2. Risampun pragat raris sang istri keajak budal ring pakubon sang lanang, saha kalanturang antuk pabyakala, pekelakalaan tur pepradangan.
 3. Mangda pragat tumus sekala niskala, raris kuluwarga purusa makta pejati matipat bantal ring merajan wadone.
- c. Prade ngerorod/merangkat patut :
1. Reraman lanange ngewentenang pamilaku antuk duta sekirangnya 2 (kalih) diri;
 2. Pagenahan antene tan kengin ring pakubon sang lanang sadereng mabyakala.
- d. Sajeroning pakrunan /pengelakuan patut :
1. Kamanggala antuk geng pengampura arep ring reraman wadone ;
 2. Kaigumang bawos idih pakidih utawi pelegayan arep ring paeuwakan sang ngidih saha dewasa pakrab kambean riwekas;
 3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburik, tur risampun sulur pamerasan kategepin kamanggehang sentana nyeburik;
 4. Prade tan terima pelakuan pejati pakrunan kemargiang jantos ping tiga, yening antene sampun nganutin pidabdab sang pacang mawiwaha upakara patut kelaksanayang saha kamanggala antuk Prajuru Adat.
- e. Pekrabkambean mapiteges upacara tindas apadang (puput) mapikuren, dwaning manut sexadi ring sor :
1. Sajeroning kabawos ambe, kelaksanayang ring sekala niskala antuk sarana jejauman miwah pawidi widana :
 - a. Jejauman

- a. Jejauman pinaka ngambe/ngadungan kayun soang-soang pakulawarga wadone;
 - b. Widi widana pinaka pejati niskala nunas wadone ring pemerajan kemulannya .
2. Sajeroning bawos kerab pelaksana ring sekala :
- a. Antuk pesaksi Krama Desa dwaning kekerabang antuk tengeran kulkul;
 - b. Pamekas penyaksi Prajuru saha ngilikitayang.

Palet 2

Indik Nyapian

Pawos 55

- (1) Pawiwahan praside kawusang melarapan antuk palas perabian utawi kepademan.
- (2) Wusan mapikuren riantukan sinalih tunggil seda mapiteges balu, mekadi balu lanang / istri.
- (3) Palas perabian wenten kalih pawos , inggih punika sangkaning pada lila miwah mawiwit wicara .
- (4) Sang ayat palas merabian patut atur supeksa pailikitan riyin ring sang rumawos (Pengadilan Negeri) wastu tinas apadang pmutuse kabawos nyapian wawu Prajuru nyiarang kawentenannya ring Desa.

Pawos 56

Tata cara palas perabian sangkaning pada ares/lila sekadi ring sor :

- a. Nawur prabeaya pesaksi sinalih tunggil sami matenga ;
- b. Pagunakayan polih pahan pada ;
- c. Pabekel, tatadan soang-soang kekuasa niri-niri miwah warisan kekuasa antuk purusa ;
- d. Ngeweruhin miwah ngupajiwa pratisentana nganut swadarmaning guru rupaka ;
- e. Nawur pamidanda manut perarem. saha ngelung jinah manut lokika prajuru utawi paweweh pesamsam maka cihna sah palas perabiane.

Pawos 57

Pawos 57

Prade riwekas sang palas kecihnan adung malih, patut
ngelaksanayang pawiwahan malih saha keni danda nikel yadiastu
wit palase pecak sangkaning pada lila ;

Pawos 58

(1) Sang balu kebinayang dados :

- a. Balu luh wit sentana (sentana rajeg) miwah balu luh boya sentana ;
- b. Balu muani kepurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- a. Ngemanggehang patibrata tan kengin ngemargiang paradara/dratikrama ;
- b. Nguassayang waris pagunakayan, tan dados ngadol, ngadeang, makidihang lan siosen punika, sejawaning kebebasang saking pianak utawi kulawarga pinih tampek saking kurenannya prade pianak kantung alit - alit;
- c. Kengin ngidih sentana prade wenten pidabdab sedurung sinalih tunggil padem, saha keutsahayang kabebasang antuk kulawarga singgih kepurusa ;
- d. Kawenangang mawiwaha malih, yening sampun mawaneng tigang sasih, prade kantung mobot nyantos putrane embas.

Pawos 59

Balu kaucap tan pageh sekadi ring sor :

- a. Dratikrama utawi paradara ;
- b. Matilar saking pakubon tan pesadok jantos 6 (enem) sasih ;
- c. Lempas ring swadharma sewos - sewos , tan praside ngesehin salah maprawerti arep ring pituduh kulawarga purusa.

Pawos 60

Pawos 60

Sapa sira Ugi Warga Desa Adat Penaga tan kapatutang ngerabi wong arabi, prade mamurug kedanda manut perarem saha prade wicariana tan prasida kebawosin ring pekraman patut kasukserah ring sang ngawiwenang.

Palet 3

Indik Sentana

Pawos 61

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahane kepatut.
- (3) Prade pawiwahane tan kepatut ngewetuang sentana, mangda tan kantung kewastanin bebinjat utawi astra yogia kemanggala antuk penyanggaskara utawi sesipatan.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin setana paperasan .
- (5) Sentana rajeg inggih punika , pratisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiyit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentana lanang (purusa) ;
 - c. Kapawiwahan keceburin , kautamayang antuk jadma sane maAgama Hindu utawi jatma sane meagama tiyosan sane sampun ngelaksanayang pamarisuda raga ;
 - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

Pawos 62

- (1) Ngangkat sentana manut dudonan patut makacihna artha berana pemerasan sane kesinaksiang sekala - niskala.

(2) Sapa

- (2) Sapa sira ugi krama pacang ngidih sentana patut mesadok ring Prajuru Adat sanistane asasih sedereng pemerasan.
- (3) Bandesa Adat kangkat kawakilin antuk Prajuru Adat tiosan nyiarang ring sewidangan desa, sang sapa sira ugi rumasa tan lila mangda nyadokang masengker kalih wuku sabanen pemerasan ring Bandesa Adat.
- (4) Prajuru desa digelis mawosin saha ngicenin pemutus nepek ring catur dresta miwah persarem.
- (5) Prade sulur peperasan tan manut ring kecaping ajeng. Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos / sulur utawi wicaranya.

Pawos 63

- (1) Peperasan sane ring desa risampun maka cihna :
 - a. Widhiwidana pemerasan ;
 - b. Kesaksinin antuk Prajuru Desa , sane makelingang utawi ngilikitayang, tur ;
 - c. Kesiarang ring wewidangan desane.
- (2) Sane kepatut peras sangge sentana kadi ring sor :
 - a. Jatma meAgama Hindu ;
 - b. Pepernahan nedunang saking sang meras ;
 - c. Kulawarga saking purusa, prade ten wenten kengin saking wadon yening taler tan wenten wawu kengin sekama - kama (saking kayun) ;
 - d. Kautamayang saking waris pancer kapurusa ;
 - e. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang meAgama Hindu.
- (3) Kengin ngangkat sentana lintang ring adiri, lanang wiadin wadon.

Palet 4

Palet 4

Indik Warisan

Pawos 64

- (1) Warisan inggih punika tetamian artha berane saha ayah - ayah ngupadi sukertan sekala niskala saking koluhurannia arep ring turunannya.
- (2) Sane sinanggeh warisan lulre :
 - a. Duwe tengah, mekadi kahyangan, pusaka, lan sepenunggalannya ;
 - b. Pemerajan utawi sanggah ;
 - c. Pegunakaya, tatadan, jiwa dans, hutang piutang.
- (3) Wawu kengin kebawos warisan prade wenten :
 - a. Sang mapiturun (pewaris) ;
 - b. Keturunan (ahli waris) ;
 - c. Artha berane miwah tetegenan (ayah - ayah) makacihna warisan.

Pawos 65

- (1) Ahli waris , luwire :
 - a. Pretisentana purusa ;
 - b. Pretisentana predana (sentana rajeg) ;
 - c. Sentana peperasan lanang / wadon ;
- (2) Prade tan wenten sokadi ring ajeng, kang sinanggeh ahli waris:
 - a. Turunan purusa pernah ngunggahang , rerama lanang pekak selantur ipun rerama misan mindon ;
 - b. Turunan purusa pernah kesamping mekadi keponakan miwah mindon.

Pawos 66

Swadarmaning ahli waris patut :

- a. Nerima saha nguasayang tetamian pahan saking koluhurannia, mekadi ngerempon sanggah , pura saha pengupakarannia miwah nyeledihin ayah - ayahan pewaris ;
- b. Ngabenang

- b. Ngabenang pewaris saha ngelanturang upacara - upacara pitra :
- c. Nawurin hutang - hutang pewaris sane manut penglokika.

Pawos 67

Pengepahan warisan nganutin sekadi ring sor :

- a. Risampun kelaksanayang pitra yadnya lan hutang - hutang pewaris buntas ketawur :
- b. Para ahli waris polih pahan pada sangkaning pegunakaya :
- c. Sinalih tunggil ahli waris kengin tan polih pahan prade :
 - 1. Nilar kawitan lan sesananing Agama :
 - 2. Alpaka Guru Rupaka :
 - 3. Sentana rajeg kesah mawiwaha utawi pratisentana nyeburin , soang - soang kebawos ninggal kedaton.
- d. Boya ahli waris kengin muponin hasil anut dudonan , luire :
 - 1. Sentana luh, selami dereng kesah mawiwaha utawi alpaka guru miwah prade pianak tan keangkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon :
 - 2. Balu luh wiadin muani nyeburin (soang - soang boya sentana) :
 - 3. Mulih dehe utawi teruna, riantukan ring pawiwahane, tatadan / bekel, maka cihna paweweh tetep ring pianak sane kesah mawiwaha.

Pawos 68

- (1) Prade sejeroning pakulawarga wenten ahli waris langkungan ring adiri patut :
 - a. Kawentenang paiguman indik pedum waris inucap :
 - b. Yen tan prasida katunasang tetimbangan ring Prajuru (kerta desa) :
 - c. Prade taler tan wenten cumpu ring penepas kerta desa kengin ketunasang ring sang rumawos (Pengadilan).
- (2) Prade karang inucap keputungan, patut prajuru Desa nibakang ring :

a. Sang

- a. Sang sinanggeh ahli waris manut pawos 65 ;
- b. Sang kengin anggen sentana anut pawos 63 (2) miwah (3) ;
- c. Prade taler tan wenten cumpu ring penepas kerta desa, kengin ketunasang ring sang rumawos (Pengadilan Negeri) .

SARGA VI

WICARA LAN PAMIDANDA

Palet 1

Indik Wicara

Pawos 69

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawos (Pengadilan).

Pawos 70

- (1) sahanan wicara mawiwit kecorahan sakaluire sinanggeh nungkasin daging awig - awig, pasuara miwah perarem Desa . Prajuru patut digelis mawosin tan nyantos pesadok.
- (2) Sejaba wicara kadi ring ajeng patut nyantosin pesadok sang nunas bawos.
- (3) Panepase patut pastika nyantenang iwang patut melarapan Tri Pramana (Saksi, ilikita, bukti) miwah tan maren nepek ring Catur dresta.

Palet 2

Indik Pamidanda

Pawos 71

- (1) Desa wenang niwakang pamidanda ring warga desa sane sisip.
- (2) Peniwak inucap kelaksanayang olih Bandesa Adat.

(3) Bacakan

- (3) Bacakan pamidanda luwire :
- Ayahan panukun kesisipan ;
 - Danda artha (dosa, danda saha panikel - panikelnya miwah panikel - panikel urunan) ;
 - Rerampagan ;
 - Kesepekang ;
 - Fenyanggaskara.
- (4) Pamidanda sane katiwakang patut muborsinggih manut ring kesisipane.
- (5) Jinah utawi raja berana pamidanda ngaranjing dados druwen Desa.

Palet 3

Indik Rerampagan

Pawos 72

- (1) Krama sane langkungan ring tigang paruman ngelantur tan nawur urunan miwah dedendan wenang kerampag.
- (2) Rerampagan ngangge tata cara kadi ring sor :
- Kelaksanayang antuk Prajuru kasarengin antuk krama tigang diri pinaka saksi ;
 - Sang ngerampag saha darsana ngambil artha utawi nyawenin tanem tuwuh, akehnya manut ring hutang sang kerampag ;
 - Prajuru Desa miteketang mangda Artha sane kerampag digelis katebus, masengker awuku ring kutus rahina pacang keadol ;
 - Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 73

- (1) Prade sang pacang kerampag ngewara (ngalangin) pelaksanaan inucap mewaestu sampun tan nganutin awig - awig desa, tan wenten pemargi sejawaning kesepekang antuk Krama Desa.
- (2) Pamidanda inucap ring ajeng buntas risampun sang kekaninin :

a. Nunas

- a. Nunas geng pengampura ring Krama Desa riantukan nguak pasubaya (pararem) pecak ;
- b. Nawur pengargan penguak pasubayane duk pacang kerampag kadulurin prayascita panyapsap keiwangane ring desa.

SARGA VII

NGUWAH - NGUWUHIN AWIG - AWIG

Pawos 74

- (1) Nguwah - nguwuhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit kaingkupin (keraremin) .

Pawos 75

- (1) Sakaluiring sane wenten saderengnya patut keanutang ring sedaging Awig - awig puniki.
- (2) Sakaluiring sane durung kebawos sajeroning Awig - awig puniki patut kelaksanayang manut tatacara sane sampun memargi kadulurin antuk perarem - perarem.

SARGA VIII

P A M U P U T

Pawos 76

- (1) Awig - Awig puniki kararemin duk rahina Weraspati Keliwon Wuku Warigadean Sasih Kesanga Icaha Warsa 1915 Tanggal Masehi 17 Maret 1994 ngambil genah ring Natar Bale Pesamuan Desa Adat Penaga .
- (2) Awig - awig puniki kalingga tanganin antuk Prajuru Desa Adat kasarengin antuk Kepala Dusun Penaga , Kepala Desa Pengotan lan Camat Bangli pinaka saksi.

(3) Luwir

(3) Luwir Sang Ngolingga Tanganin :

I. Desa :



1. Bendahara Camat Penaga,
Nyoman Mara.


2. Pangliman,


I Wayan Sudi.

3. Penyarikan,


I Wayan Semudra.

4. Patengen,


I Made Lanus.


II. Pinaka Saksi :



1. Dusun Penaga,
I Ketut Renteb.



2. Kepala Desa Pengotan,
I Made Nanya.

3. Camat Bangli,

Drs. B. M. Brahma Putra.

Bangli : 29 Maret 1994.
Reg. No. : 13 Tahun 1994.

MANGGALANING PAMIKUKUH
BUPATI KEPALA DAERAH TINGKAT II BANGLI,

Drs. Rida Bagus Gde Agung Ladip, SH.